



Jatorri izena sortzeko eskaera Eusko Jaurlaritzan erregistratu zen irailaren 5ean. GIPUZKOAKO SAGARDOGILEEN ELKARTEA

EUSKAL SAGARDOA JATORRI IZENA

Arabako, Bizkaiko eta Gipuzkoako sagar eta sagardo sektoreko ordezkariak eta Eusko Jaurlaritzako eta hiru foru aldundietako ordezkariak Euskal Sagardoa jatorri izenaren marka berria aurkeztu dute.

Euskal Sagardoa jatorri izenaren bultzatzaileak, pauso esanguratsua eman, eta marka berria aurkeztu dute urtarrilaren 9an, Donostian. Arabako, Bizkaiko eta Gipuzkoako sagar eta sagardo sektoreko ordezkariak eta Eusko Jaurlaritzako eta Arabako, Bizkaiko eta Gipuzkoako foru aldundietako ordezkariak parte hartu dute Euskal Sagardoa jatorri ize-

naren marka berriaren aurkezpen ekitaldian.

Irudia aurkeztearekin batera, jatorri-deituraren eragileak jakinarazi dute txotx garaian upeletatik dastatu ahal izango direla jatorri-deitura eskuratzera bideratuta dauden sagardoak.

Udaberritik aurrera aurreikusten dute prozesuaren azken urratsa ematea, hau da, Euskal Sagardoa jatorri ize-

na duten lehen botilak merkatuan izatea.

Jatorria eta kalitatea

Euskal Sagardoa zigilua eramango duten sagardoek bi ezaugarri nagusi izango dituzte: %100 bertako sagarrarekin eginak izango dira, eta kalitate bermea izango dute.

Jatorri izena urte askotako lanaren emaitza eta etorkizuneko apustua dela azaldu dute prentsaurrekoan parte hartu dutenek. Ildo horretatik, jatorri-izenari atxikitako sagar eta sagardogileen nahiz erakundeen asmoa bertako sagarra sustatzen jarraitzea izango dela adierazi dute, urte batzuen buruan Araban, Bizkaian eta Gipuzkoan beharrezkoa den sagar guztia bertan sortzeko.

Ehuneko ehun bertako sagarrekin egingakoa izateaz gain, Euskal Sagardoa izendapenak badu beste bereizgarri bat, hau da, kalitate bermea edukiko duela.



Euskal Sagardoa
jatorri izenaren
logotipoa.

EUSKAL
SAGARDOA

**euskal
sagardoa**
Sidra natural
del País Vasco

kaiko Sagardogileen Elkartea, Sagar Uzta Elkartea, Arabako Sagarzale eta Sagardogileen Elkartea, Fruitel Sagarzale Elkartea eta Bialka Sagarzaleen Elkartea.

Guztira, hiru herrialdeetako 400 hektarea sagasti daude izena emanda, eta 35 sagardotegik egin dute jatorri izenaren zigilua eraman ahal izango duen sagardoa 2016ko uztarekin: Arabako Iturrieta (Aramaio), Bizkaiko Axpe (Markina-Xemein), Eguskiza (Gatika), Etxebarria (Gatika), Laneko (Gizaburuaga) eta Uxarte (Zornotza), eta Gipuzkoako Aburuza (Aduna), Aialde Berri (Usurbil), Alorrenea (Astigarraga), Alzueta (Hernani), Añota (Azpeitia), Astarbe (Astigarraga), Barkaiztegi (Donostia), Begiristain (Ikaztegieta), Bereziartua (Astigarraga), Eula (Urmietza), Gartziategi (Astigarraga), Gurutze (Astigarraga), Iparragirre (Hernani), Iruretxiki (Zestoa), Isastegi (Tolosa), Itxasburu (Hernani), Izeta (Aia), Lizeaga (Astigarraga), Oiharte (Zerain), Ola (Irun), Olagi (Altzaga), Otatza (Zerain), Petritegi (Astigarraga), Saizar (Usurbil), Satxota (Aia), Tximista (Ordizia), Txindurriturri (Deba), Zapiain (Astigarraga) eta Zelaia (Hernani).

Sagar eta sagardo sektoreko elkarteek lazko irailaren 5ean erregistratu zuten Eusko Jaurlaritzan Euskal Sagardoa jatorri izena lortzeko eskaria, beharrezko dokumentazio guztiarekin batera. Arantxa Tapia Ekonomia Garapen eta Azpiegituretako sailburuarekin elkartu ziren, egitasmoaren inguruko azalpenak emateko, Eusko Jaurlaritzako Ekonomia Garapen eta Lehiakortasun Saila baita jatorri izena lortzeko lehen faseko tramitazioak egiteko gai den organoa.

Bide horretan, sagardoari produktu moduan prestigioa emateko eta sagardoazaleari kalitate onena eskaintzeko, sagardoaren sektoreak eta erakundeak bat eginda daudela adierazi dute prentsa agerraldian, eta, Euskal Sagardoa jatorri izena sortzeaz gain, Gorenak marka publiko bihurtu dutela azaldu dute.

Bi zigilu

Horregatik, hemendik aurrera kalitate onena ziurtatuko duten bi zigilu egongo dira merkatuan: Euskal Sagardoa eta Gorenak. Euskal Sagardoa jatorri izena bertako sagarra bakarrik erabiliz egindako sagardoa da, eta kalitate bermea duena. Eusko Label sagardoaren lekukoa hartuko du jatorri izenak, azken urteetan prestatu eta azaldu bezalaxe. Gorenak marka bertan egindako sagardoa da, han-hemengo sagarrak erabilia, eta kalitate bermea duena. Lehen dozena inguru sagardotegik baliatu zezaketena orain publikoa izango

da; hau da, baldintzak betetzen dituzten sagardo guztiek baliatu ahal izango dute. Euskal Sagardoa zein Gorenak

**Udaberrian
izango dira
merkatuan
Euskal Sagardoa
jatorri izena
bereizgarria
izango duten
lehen sagardo
botilak**

marka publiko eta ofizialen kalitatea bermatzeko, Hazi fundazioak ziurtatuko du prozesua. Panel organoleptikoa, berriz, Zizurkilgo Fraisorokolaborategian pasatuko dute sagardoek. Enacerakunde baimenduaren ziurtagiri ofiziala dute Hazi Fundazioak eta Fraisoro Laborategiak.

Eragileak

Arabako, Bizkaiko eta Gipuzkoako sagar eta sagardo elkarte guztiak ari dira parte hartzen jatorri izen berriaren lanetan: Gipuzkoako Sagardogileen Elkartea, Sagardo Mahaia Elkartea, Biz-